



朱竹垞云君謙論詩曰詩不當以格律體裁為論惟求
直吐胸懷實叙景象婦人小子皆曉所謂然後定為好詩
其他餽飭攢簇拘拾古人涕唾者亦木偶之假綫索以
舉動者吾無取焉故其詩多俚近然如陽山大石一篇
賦情傲兀用韻妥帖非讀破萬卷書不能作也君
謙好蓄異書孜孜不及是時吳中藏書家多以秘冊相尚
若朱性甫吳原博閻秀卿都元敬輩皆手自鈔錄今尚有
流傳者實君謙倡之也

序

松籌堂集迺南峯楊先生所撰著者學士大夫無遠近咸
所珍秘德何人斯敢贊一辭耶德惟東髮時得讀先生小
金山志願執鞭焉嘉靖丙午北試道經吳門始獲拜先生
於濠上時先生壽已望九而獎進後學特甚論文說劍猶
終日無惰容手示纂修皇明通志文寶二書且囑曰此中
關係國體先須進呈以傳慎勿洩德感先生之知而益恨
相見之晚是冬北歸忽聞先生化去雖反袂過吳門然此
情終不能已閱四載鈔是集于董子元家子元雅尚博
綜乃與廣搜遺文合併為一函將登梓以傳會友人以已
刻告遂中止然此心終不能忽然也一日獨卧山莊夢侍



先生于危樓中款叙甚洽適有合抱之材橫其傍德叩之
而向先生曰此梁棟器也胡不為明堂大廈之需顧乃虛
置于此先生竟嘻吁不答握手而起間以唐憲副龍江公
所論先生纂叙金小史為請先生却曰此書別自有說更
告以刻集事先生亦不答久之其意若有所托者德隨索
集稿先生曰此屬之華某當用他物易歸即自袖中探出
一把若瓊珠卞玉相貫者然方遣易稿者去而忽夢曰枕
上矣嗚呼袖中珠玉豈即先生之文章耶先生九京不可
作矣而其汲引後生之心尤耿：若是：德之受知於先
生不但生存已也然友人言集已刻終非實事今卒登梓
一以酬德挂劍之心一以慰先生神交之托若出處行誼

具在先生自撰生壙碑中故不復論
萬曆改元上海後學顧從德序


松籌堂集卷之一

吳郡楊循吉著

上海顧從德校

賦

竹溝泉賦



時雨晝零至夜不休集我屋上仰瓦承流乃所積之既多
遂衝奔於竹溝爰有筠管立於其下中節既去洞乎空者
溝唇來接其水倒瀉鐘：竒響相擊而鳴應空答韻如谷
中之聲觀其滴瀝傾注九止一作譬銅盆之在地而墮淙
之投落揚子讀書既困安就床篲目合神定泉聲時得若
雅樂之作自有奏節忽寤而知又寐而失以為彈絲品竹

敲金擊石千呂萬律皆出人力然又非貴介公子莫得而
常接也而此泉聲特借於雨其音自然若虛堂築杵乍歇
乍有錚乎答語人復助以嘈雜之細韻集塔除而戰簷廡
蓋貧居之士可以寄聽於厭飲焉不必解衣輟食呼工召
伶而為一日歡樂之舉也揚子於是心納耳受怡然自適
起而賦之書之於策

山水圖賦

巡撫朱公命作

石田老僊擅妙思於詞林含丘壑之遠致抱泉石以冲襟
於是盤礴解衣凝神馳想援彩毫以揮灑落竒觀於指掌
若夫練絹膩密軒窓晝晴縱颯之筆力天機之自成
則乃先設平坡欲臨溪而間曠次為絕壁使豁窻而空明

美矣哉意匠經營有丹有青既作之基備一幅之神形矣
于是茁纖草植長松拂通波列遙峰一位置咸折于衷
儼匡廬之在目忽嵩少之呈容則又極物巧而窮人工矣
然猶未也以為佳境領畧匪人弗勝思昔古賢琴釣寄興
乃作二丈夫焉褒其衣高其冠意韵高尚其漢晉之間其
一人手執漁竿垂彼清漪矯首遐矚若有所觀其一人則
停琴不彈置此石邊望亦隨之兩俱無言無言伊何在彼
雲泉雲兮霏：透青嶂而盤旋泉兮冷：從空洞而高懸
相映一色雲暖泉寒厥意攸長太古之先故愈矚而愈靜
與琴釣而皆閑也噫樹不枯山不改雲長飛水長在畫術
之大也如此然而琴士之絃含音而不宣釣徒之綸設餌

而空陳則二物之用其遂不可見耶孰能為吾作伯牙之
搯起志和之魚相與一醉于湖山之上顧不甚樂而又何
以雲泉者之為拘

遊虎丘賦

泛清溪之浩蕩依茂樹之陰森觴循環而緩轉句搜索而
長吟山魏以在日風蕭而滿襟歎人生之難偶嗟白日之
易沉知江湖之無味思丘壑之可尋藤垂樹以蛇挂
草沒岸而腰深應空崑于響屐峇幽澗于鳴琴願逍遙而
至暮勿輕動歸心

中州二難賦

以中域胎秀生此賢哲為韵

睽茲區宇維洛處中在五方而正宅道九州以啓通郡居

都會之交寧流慶汝山積靈長之氣有岳名嵩是知沃野
膏腴茂嶺盤鬱築太行以為垣界黃河而定域生申及甫
神昔降于成周魁郊與昶星復朗于今日蓋以擾龍譜舊
渡蟻功培故致廣寒之桂雙茁明月之珠並胎逸少之後
有獻徽一門何盛老泉相繼惟軼轍兩世多才觀夫伯氏
在前仲兮居後俱為廊廟之珍同稟山川之秀討論講習
步不越于家庭切磋琢磨自推于師友是乃斯文篤聚
間氣叢生蟠宮域而携手共陟虎榜赫而舉足齊升
凡于觀聞而傳報孰不嘆羨而嗟驚片玉當頭茅固難為
之弟珠珊耀側兄不易稱其兄雖然匪人伊艱天亦勞只
陶林總于千萬得清醇于一二豈徒為人物之美觀實欲

資時世之化理吾不知費大鈞造就之力凡用幾何得陰
陽鼓鑄之功以克有此今乃儒珍售聘禮羅得賢一則茂
洽琴堂之治一則榮揚駄馬之鞭牛刀初試而終成大用
山岳昏動而肅振威權沛百里之春風萊陽幸甚飛一道
之霜令江南晏然噫古語有云地靈人傑中州為天地之
心今乃獨鍾于兩哲然則為柱為石以答公輔之望吾固
已知之矣夫又何待于發著而再決

駄馬行春賦

偉丈夫之煌煌被光榮于道周感遭逢之不易信得志于
斯游擁飛霜之大纛曳繡裳之華裘問何人而則然昔吾
郡之樊侯惟閩山之多秀特鍾氣于人物侯車去以非恒

洵磊落而雄傑既經術之醇正復吏牘之精密尋鄉闈以
鶚升遂南宮之尤拔茲畿甸之名府嘗屈致以寵臨敷六
載之佳績勵冰蘖而為心刑得情以惟恤靡抱枉而寃吟
崇美化之清簡每緩帶而鳴琴建蘭臺之徵賢選萬一而
山中果首掄于薦章取物論之攸共器瑚璉而必登材楨
楠而並用縱百察之皆貴覺茲秩之彌重荷廣西之大省
控鉅海而為雄惟使者之歲按侯乃跨于青駄節魏以
搖岳旆翩而揚風遵水陸以南邁遂便道于吳中嗟茲
駄之孔勁載霜威而行歷凜百獸之皆避何豺狼之敢出
蒙織翠之文韉銜鏤金之華勒御蹠蹠以除征將遂事乎
揚激彼桂林之奇勝在海內而實多川瀾淼而長注山端

嶼以高峩強數千以為城森郡邑之星羅騰落奸而震懼
諒未到而先迹叶想春日之載陽亦惠風之澹蕩乘我駸
以周流覽芳菴之條暢沛甘雨以隨鞭慰田疇之早望何
埋輪之擅美奚擊鷲之多讓考西臺之清要在前代而則
然院列五以任重察備六而權專非夫人之剛正未易獲
于登延雖一駸之在廐又孰得而乘焉今賢侯之顯融遂
手持於芥鉞又銜命以四出振風聲于百粵實人生之慶
遇况畫錦而鄉涉勉功名以遠大期厚酌于臣節

摺扇賦

當溽暑之蒸鬱咸浹背而汗流雖四海之過爾在江南而
為尤况城郭之逼側復塵土之飛浮思清風以如渴畏重

締而若伏于斯時也吾無廣堂大廈高臺曲榭披襟尚阻
散髮未暇興維水鏡之懸心繫冰壺之掛荷陰黝而遙
隔重湖竹影蕭蕭而遠違僧舍使吾局束乎放逸之懷偃
蹇乎空濁之狀恨八溟而猶隘嗟六合其非曠于時則有
祛炎雅製却暑芳姿昔日之班姬所詠往年之逸少曾持
欵之不盈于把圓也有中乎規出袂而輕颺自動拂膺而
涼颺允宜觀其皓蠶裁容素藤張面洒金星以作篩削牙
釘而為鍵紫檀楫而板胸無痕玄珠團而蕾垂如旋
爾乃寒韻來權熾威亡酷偏宜掌握之携豈用僮奴之撲
兼鄰座而颺及旁賓而藪快哉何爽甚矣其樂然而
先生方且撫髀三嘆仰屋長吁吾適於此有熱者乎益三

木等堂集卷一
邊多重鎧之甲士而四野足赤背之農夫也

辭

送府同知林公辭

公之來兮民樂以欣惠在東土兮我則先聞惟介直兮弗
奉權貴乃贊吾邦兮時相使然公材既美兮厥操彌堅澤
三吳兮頌聲流傳市民逋負兮或繫之哀其艱兮不以槌
而廟文襄兮黜姦利五旬而成兮不以亟設施固有兮寧
獨是煥巍兮臨水次嗟公能兮百試一二役夫無怨兮
若神致昔歲賦兮輸京師嘗苦貸兮費不貲公部督兮綽
有條用已率下兮罔私纖毫往則遲兮歸則早事適集
兮歌像父老兮公之去兮可奈何邁難留兮道路遐吳有

水兮比公之清亦有山兮同自我命我不佞兮述其誠願
公重来兮翼茲蒼生

壽葦庵王隱君辭

有序

隱君長洲之故家用儒修身而以自立者有年矣予嘗
以耳目徵之得其人焉昔者未見隱君時得之乎聞
者聞其屏處湖濱肆力經史高潔孤介以為其德今之
隱君子也及既交于隱君則得之乎見者見其談鋒
如雲包羅治實疏通練達以為其才古之偉丈夫也然
則隱君舍之可漁可樵用之可公可卿臯夔箕穎一而
已矣隱君之道遐乎哉充乎哉不試所以完也不折所
以貴也不勞所以壽也既重其風胡寧無言以彰之

繫惟先生兮處彼荻川隱君樂道兮不遊市廛窮討群籍
兮著述滿前世孰有如今若人之賢旨酒恒蓄兮賓來啟
筵高談懸河兮日暮留連林有佳實兮湖則有鮮先生偃
仰兮自樂其天嗟我登堂兮亦既忘年側聞緒論兮斯實
不然清風觸人兮鄙吝俱捐願播嘉聲兮列于茲篇

無錫鄒君哀辭

有序

鄒君諱愚字智卿家錫邑之泰伯^卿厥考靜修翁素以誠
懇聞于遠近自夫名族大家莫不推之及既即世而君
為之子素風依然昔歲弘治中予寓南峰書館君以文
事與其姻家華育德肩輿過予凡終日留時方沒寒涉
冰遠來噫曾幾何時而遂隔存沒可不悲耶予是孤子

尚等乞文以播遂本疇昔之情作哀辭

粵鄒宗之在錫兮世載德以有聞居讓鄉而蹈禮兮矯薄
俗之浮紛靜修一諾若季兮羗鎮重以守愨逮夫君之嗣
承兮又淳信而再作務施與之為心兮族或待之以謀炊
歲荒歎而輸粟兮膺章服之陸離予固知斯人之義聲兮
不敢謝于來交歲弘治之隆冬兮遂枉顧而乘輶山巉
而積冰雪兮君胡為以獨屆慨空谷之鮮儔兮孰肯訪予
于巖之下惟間居之淡泊兮雖文詞以何味舍其稻梁綺
紈兮乃收衆人之所棄以此知君之賢兮靡與俗同感知
已之見親兮恒耿：之在裏聞君方揖野航兮泛江湖而
遨遊又築讀書之堂兮板儒先與講求忽朝露之溘止兮

予聞訃而驚嘆詢其年甫下壽兮罹二豎之苗患彼詐欺
而胡者兮俾淑人乃早零忌者之駢列兮有一愛予而不
使之生已矣乎山房閨寡不逢佳賓兮有以筆代來寧不
呻兮粗褐温之誓將終身兮有懷長謠朋友無人兮

松籌堂集卷之一終

松籌堂集卷之二

吳郡楊 循吉 著

上海顧 從德 校

古詩 四言 五言 七言

宗人給事昇綽楔詩

瀾：南濠清流如玉連甍載繁成是里曲依城附堞闌闌
相屬孰峨其間華楣乃轟
吾宗信碩有升天朝茲焉宅家維蘇之翹第以貴闢門宜
等超爰作綽楔赫隆昂霄
涓日芥木經彼水涘刻綉丹青翬飛具美椽栴羣拱簷牙
四起設酒庸慶邦侯來止

濠流既廣人廬對居鱗次萬家咸瞰甘渠高閣忽創俯川
舒：往揖來帆莫不躊躇

躊躇伊何濠實增顯永念昔日徒爾庶衍倏興嘉坊突兀
冠冕凡此鄉閭嘖：稱鮮

厥惟諫臣輔翊聖皇柱石具瞻屹立孔強樹里表德獻納
以彰盛哉旌著閭里之光

泮流閔不克養也君子既顯而其親已歿雖有祿位
而無所致其孝故為之作是詩以哀之

瞻彼泮流其波洋洋：昔烏有人授講於堂抱德雖博厥澤
未滂正襟哉弁敷闡虞唐

泮流在宮伊人孔哲云何邁厄遽與時訣遺琴既橫書冊

徒列有子方幼擗踊泣血

惟此幼子克光前修今也顯達侍於冕旒繡斧之榮將誰
與儔恩被九原洋洋：泮流

有職近侍有祿天庾慨親不存羞鼎孰舉資是群彥以寫
中縷泮流洋洋：慨慕終古

山行圖

鬱：翠羣峰是矗薄言來游副我欣曠松韻韶叶憂以
鳴泉維時暮春天桃亦妍登攀既勞亭乃于息陟梁徘徊
草徑繼蹟物表味澹契茲朋良豈不狷獨雲山日長

金陵篇

長江挾天險鍾山盤王氣我祖應運生於茲守神器百司

秩烏開崇墉一何麗中有黃屋尊巍：拂雲際日照金色
光清都儼無異憶昔世否極逐鹿元氏季朱旗獨揮霍四
海奉真帝真帝興淮揚神武秉堯謀渡江得五郡金陵居
上游從者伊何人材畧皆王侯王業從是基仗劍平九州
蒙古既遐竄荆楚亦全收巨敵一朝決瑣：皆俘囚匡復
唐宋城遠大古來侔北疆竟朔漠南邑窮炎洲西琛通酒
泉東箭貢吳歟斯旦臨大朝秉圭垂冕旒冕旒何穆：文
武咸具列承平息喪亂霖雨潤焦熱恭已軒羲上鐘鼓脩
崇設乃延縫掖徒禮樂脩廢缺園立行郊祀明堂會胡越
予：款彤庭稽首盡推結宗王盛封樹姬劉以同轍剖茅
爵功原分官授羣哲玄黃獲再奠何能贊鴻烈。 魏以

宏豐錫宅在茲河山互襟帶鬱：烟雲安環衛的萬億有
粟積如坻歌吹喧列肆車馬流通達城闕陋前代門閭多
舊遺渾：國初風根本重南畿仰思受命主功德天地垂

吳公園中食棗

名園何鬱：珍棗四五株掛實繁柯上纍垂脩且朱秋來
煩愛護童稚皆遠驅正用飾林館豈為籩豆需昨忝登堂
客得侍樹間趨擊枝特見啖深愧禮意殊美脆不用嚼滿
口甘露珠三錢換一升此豈市所無但貴賢人宅新采鮮
莫踰至今懷故味非止稱頌史

和荅王侍講濟之

貴門古難登顏色不可忤有官雖冷淡聊亦足朝暮所悅

契心人屢脫門外屨雖然有擊鮮邀我亦懶去汪：雅量
深落：高懷素相尋但誇 茲來信非誤陋巷有賢人止
我歸夢蕭適意且便留焉須問何處

奉酬

少也嗜周書妄欲遣世情中年志益滯不斲如婦嬰臨編
再三嘆甘守墨與繩人生既多苦累我寧非形山澤凍餒
逼官位憂勞并鬱塞抱餘懷誰其堪與盟玄言緘巨帙本
意違清貞所閱世間書徒添非譽縈廓朗祛煩慮誰有如
莊生披諷畏卷盡啟予惟郭卿藩垣周柱篇鼓吹秦壁經
斯人會天秘妙論縱口成誰知千載下求之難貌名高堅

費鑽仰可玩不可稱溟滓浩迷海莒墨森疑城嗟余獨不
量舉筆茲申評雖乏入室學且獲胸臆平藏來自箱篋不
敢踰戶庭搜帷莫子避向我眼倍青知賞自古難他人須
走驚

和陳明之賞菊

陳家九日客滿筵故事已向交遊傳醉來起舞不肯去共
扶上馬如乘船嗟予獨不蒙比數自坐破樓看暮雨雖逢
佳節亦徒然空望東家酒旗舞吳中九日必登山翠壁丹
厓歲一攀可憐為客無歡味江上雲山何日還

有客

有客下其馬入門向我言聞子意將歸衆皆不謂然年深

官自高金可腰望間云何遂欲去况子方少年少年不肯
仕惜哉歲月捐揚子持歸志勇若矢在弦一聆客之語足
縮不得世有此奇論胡不早誨旃元來讀古書不若親
耳傳揚子誠不肖此客乃大賢

都下將歸述懷

鄙人自從三月來腹心久已病癥瘕晨興至午尚不食夜
枕呻吟睡尤寡蕭然一榻但高卧雖有心曲誰與寫有人
謂我病如此何不抽身向林野一聞此言即再拜誰有愛
人如此者久知山水澹有味漸覺功名輕可捨况今一病
已到骨兼與世事多痲痺病人自合卧活命安能奔走還
騎馬水凡決事在己心謀之朋友惡乎可乘今積至天漸

涼定買扁舟向南下諸君請自各努力余非引高毋誚罵
予既得請將歸吳王秋官弼亦以奉使西行以詩見

賦兼詢歸意遂依韵奉酬

王君憫我將南歸贈我以詩兼以酒忽言我實無所病托
以圖歸詔朋友謂君知我不易逢乃此相疑一何否君以
我樂山林邪我非忘世愛隴畝衙門晨入酉始出力不能
支瘠而黥上章得請誠幸甚向天再拜頭屨小臣蒙擢
布衣內第以進士恩太厚儀曹四月百無補空食廩祿顏
可醜不因抱病無奈何豈敢飄然去守官君言我意在著
書安欲求閒營不朽人生奇偉在事業自局儒酸亦何有
我今且去君亦行淒風枯林月當九君有高幢盛僕馬我

有空車載鷄狗出城分路兩不同一就官塗一林藪恐君
謂我非病歸不惜叨：為君剖

初食揚梅

揚梅本是我家果歸來相對嘆先作往來南北將十年父
不食汝將忘却憶從年少在吳中食以成傷難療藥年
端午即有之街頭賣新先附郭初間生酸帶青色次見熟
從枝上落吳儂好奇不論錢一味纔逢湏倒索生時薰蒸
喜烈日所怕狂風陰雨虐有紅有白紫者佳大如彈丸圓
可握生芒刺口易破碎到牙甘露先流齧黃船奉貢晝夜
走數枚出賜惟臺閣其餘官小那得預說著江南懷頗惡
吳人鹽蜜百計收不知本味終枯涸肉存液去但有名奪

以酸甜無可嚼我今到家又過夏正是高林雨而濯滿盤
新摘恣狂啖十指染丹如茜著細思口實亦小事其來乃
以微官博使余不有故山歸安得鄉鮮列惟錯人生百年
在適意思口勞：何所樂

金山寺避暑望雨作 戲效玉川子體

山中日：望雨至立向山頭看靈氣今朝且喜雨果來陰
雲成片當天墜雲之來兮奇且特有如推山而至遮盡半
天黑：雲上有白雲行白：黑：兮重復輕不知黑雲是
風白是雨白雲多處先沾注雲中雨脚畧可觀數條當天
大如柱此雲先自北方起汗漫只謂太湖中來返頭看忽
然風自東向來却把西方之雲盡吹散衆人觀者都言苦

日：望雨又不雨，幸得一片雲推來自天北，須臾變作大雲，有黑亦有白，令人觀之，恐怖生。若要作雨，不如此不得。雨未至，兮雷先鳴，驚人，不須用多，只一聲，魑肝鬼胆在何處。世亦有奸人，立不住，樹頭蕭，風開作如今，却是雨。真到吾見，閉門高坐看汝落，到三日五日也不惡。

示友

作官亦有味，豈必居山林。山林不足，不如守俸金。驅馳固末事，所貴在安心。慨思一歸，難仰嘆空沉。吟豈不畏貧賤，自愛良亦深厚。養藏至憂，朱籠乖野禽。緣茲公座上，常懷溪樹陰。

文宗嚴將令慶雲其同年閔侍御作竹為贈

吾子平日心皎，我所知。吾子他日節斷，人不疑。况有同年友，清風相夾持。無煩苦規益，玉立本天質。

挽浙士沈一之室人錢氏

柔嘉由夙稟，桃夭方有歸。云何枝上英，俄逐涼飈飛。伏匣悲明鏡，凋香嗟故衣。書史紛在目，百歲永相違。弦絕不復彈，嘆息損容輝。傷哉微雪詠，空存五色機。

觀梅花

王家園裏梅花開，早觀晚觀日。來東園垣毀得，逕入西園隔水空。徘徊雖無斗酒醉，其下多翫一周如。一杯仰頭但見雪滿樹，兩園映發何奇哉。俛思風雨已七日，花有幾時天不惜。寧天賜雨莫賜風，留花且發兩園中。但教花在

能來看泥淖無妨自有節

小言

莫虱蒸蟻客稱羞寸帛製衾餘作裘駕車隙中相追游累
塵築基起重樓

秋夜雨中

一陣復一陣蕭：忽然至空堂燈火昏卧聽惟獨自何哉
人世間有此惡滋味能令伏枕人百計不能寐一般聽雨
愁天下無可譬鬱：沉：然探懷却無事

奉陪石田先生登覽虎丘

中年棄組綬立壑固夙心窮探雖未暇適勝或可尋曠茲
西郭素平陸起孤岑水石多秀麗委曲抱幽深丹砂炳雙

峽翠巖暗千林何但游人樂翔詠諸魚禽攝瞻靈淵瞰流
目高閣臨况奉鹿門屨玄言承滿襟撫已良自足終老復
何歆

小景

白雲如吹氣滄然群峯差：翠成蓮高居者誰其列僊客
至不起但聽泉

松江道中紀事

余生信多厄浩歎命可嫌二年不出門日白夜有蟾云何
此舉棹風雨隨相淹嗟人孰無友錢子吾所忻遙：松江
道勞苦亦已厭始自發松陵赫：晨颺嚴橋門水西吸：
舟向堤粘舫人紛運篙墮者幾欲殲心驚不得坐起視衣

皆霑幸矣免亡失私慶自理髯顧此皆官夫一死事豈纖
人間列法網更乃議口僉無端負重責何苦傷吾恬自從
入舟來夢怪神不憊况乃四多風窗破紙若掃薪爐向榻
置聊以充帷帳於征既七日雲間堞方瞻言歸一何速墨
突信未黔曉邁三十里仰視日已崦風顛浪如馬纜斷猶
揮鈔中流去飛疾水揖人爭拈北牽返南驚似拔蛟尾潛
役此盡逃散蔽彼村宇規支吾不可使遺棄空牌籤因之
發長喟俛然理有占此固鞭撻齊乃費口語謔但我既嗜
逸早識蒸藿甜所獲良已多貴勢寧得兼此心甘無尤終
不憾冷矣田溝水鳴咽助我鳴漸：朱涇暮雪下淒風刮
剛鏃咽啾集饑鳥蕭瑟敲枯簾冬温乃愆候霰電真良矻

晨興肆遠望縞野皆堆鹽三泖凍無波九峯高設尖清冷
乏灑氣貯此天地匱掬來與人喫亦可療久疴窮游不終
否果見日色暹經墟復歷鎮時或蠹酒帘船將鼓笛具缶
有鷺鴨醺尚可供一醉：倒酒可添貧賤固多役未得安
閭閻近游亦不易平溪藏險險蘇松路何有棘若行陸鮎
賦造合爾薄辭祿誠非廉園居近修築草屋新始苦殘冬
積蒼翠松竹麓滿簷歸歟誠游歷請卜君平簾

唐昭陵驪山避暑圖

貞觀天子朝明堂獻琛執圭來萬方總制機務挈紀綱心
思焦勞體弗康築宮九成驪山陽六月避暑因清涼玉殿
金樓跨澗岡周連柱撐焯煌：千乘萬騎汗且疆不能數

計堪容量山顛築臺入青蒼咫尺層：近相望芝蓋侍衛
容穆莊下視塵寰何渺茫靈風颯然拂旗常龍顏為笑樂
徜徉林花澗草盛舒芳異色之禽亦鳴翔天子掀髯小八
荒顧命侍臣汝掄揚鄒枚前趨鳴珮鐸秉翰作賦極鋪張
比功周漢德義皇被之雲和在中房賜宴大舖流恩滂執
符御極貴安強游豫小事庸何傷何人作圖筆孔良往事
如昨千載長美哉流風歌洋：

新安李氏園亭

夫君雅好奇卜居富林墅遠續乃祖賢開園遂成趣池塘
擬山澗樊垣護芳樹纂：朱實垂嚶：野禽翦荷鋤豈不
高兼得理生緒正界方礪隅育蔬先去蠹尊身存至術于

茲道歲具鳴琴白日永垂釣蒼波驚庵館足藏用墳典惟
業素慨思黃綺流園公亦名著肥遯今式符優游擯塵務
聞風想起曠懷勝冀欣晤眷言嘉令德授毫賦長句

酷吏行

酷吏面上無慈色手中長提法三尺怒肉橫生髯奮高張
呼拍案氣揚：鞭笞在前視如戲人血縱橫流滿地水浸
生荆尚怪輕銅包大杖猶嫌細貧窮百姓真可憐每：見
官多被鞭忍饑忍痛哭向天公人更覓杖頭錢

和計大尹虞山雅集

鼓擢琴川來駕言為近游賢令化方洽豈俟即予謀張燕
山之顛有酒滑如油雲開見百里南望古蘇州尚湖當其

前揆時維杪秋仁政召嘉瑞岐禾鬱盈疇我醉屬公飲勿
遺此遐取言子本邑產古今契良投有月照松杉賓客起
互酬擇勝重移席撫遠還登樓聚：新篇詠迴若風馬牛
良會誠亦難餘歡渺滄洲

詠陽山大石和李少卿作

此陽山有石形將大塊截勢與蓮花共仰觀
一何高登陟不可輕鳥飛必徊翔雲出自騰滄孤圓外成
嶠空朗中含洞瘦如辟穀良清若食蚓仲深思殆天設乍
至令人恐濃蘿垂作陰寒泉滴為凍戴庵亦顛危携觴更
交綜耳脅或駢攢擎拳時獨送巍：上少並森：下多從
荒厓始誰開倒樹諒非種在茲三吳間當以九鼎重崇巖

借冠冕卑鬢聽提控勞呼猿固匿被壓松堪訟曲躬始得
門側身還入術拂苔劣容眠收乳兼資用志猶記秦餘材
曷遺禹貢立久氣濕袍嘯高聲答甕論年越殷周言時晦
唐宋一為佛者居永作游人奉病宜謚著書寐稱搏養永
四方傳不誣諸公評切中臨谷足還酸乘顛目偏縱支頤
詎厭看極口難竭諷鬼鑿手湏胼鯨負背應痛東岱徒小
魯西華謬推雍懸磬風發鳴香爐烟結供曝沙伏靈鼉食
岡停遠鳳是知隆拔羣所貴秀合衆偷餘殿容椽就隙亭
閣棟枯藤蔓穿竅長蛇舌撩縫輕清受指彈璣瓏脫泥壅
蒂拜本無忝羽撼爭得動栽培稀尺間構架靡寸空炎伏
涼自生清秋月堪弄林深必賴燭嵐酷能作艷星化猶立

茫龍吟如叶碇嶺獅馴已賓阜虎猙與閔久嗟隔勝賞頻
勞落清夢即欲營終栖其奈懷微俸

同史隨州適西郊奠止婦之墓還停舟中兼叙別懷
作

春渚方沍沿洄弄蘭漿既遵前墟泛遂事玄臺饗感彼
泉下魂揮涕予懷惘登陟循新岡青松倏云長收襟慰遠
別芳甸聊涉賞周覽群物熙當年記來往蔬麥爛成繪川
原一何廣逶迤疑村家池亭亦虛敞簧禽聆在柳庖鮮看
麗網飯罷相携行華舫共還上重濠肆晚興清颿薦初爽
欣戚諒難代持觴仍悒快况乃老俱至流光疾翻掌聚首
永為歡睽違時致想念此能遽姑俟雲月朗

懸陳卿雲山圖

峨：茲山高冉冉：白雲出春來為甘雨可以甦萬物豈比
窮谷寒終然守荒寂不能興膚寸含烟翠空鬱

與育德同遊鴻山作贈

登陟信勞止奈抱幽賞僻冠崑飛亭創緣岡新路斥良友
况簪睽違思深積相携當抄秋決皆送遙翻南見秦餘
抗撫景楓葉赤予生諒多暇茲游云偶得無成感休謝終
老向林澤

送贈浦文玉還錫城

初月麗秋夕照此庭前樹繁柯影縱橫溥：濕零露累日
相携游茲焉復良晤論文荷知賞斯人慨難遇解維俟酒

散言投錫山去鳴鶻菰蒲間到家應達曙締交其自今毋
忘篤情素

廬陽思歸因次蔚少參梅花圖詩見意

我家江南山水窟十年未省為旅人客居忽忽秋寒新覽
鏡自唾心俱塵忽憶梅花在山路笑人不歸竟何故生當
豁志那少忍束書便擬投東去

近體詩 五言 七言

弘治甲子歲六月恭聽遺詔志哀二首

聖智由天縱垂衣帝德彰民饑憂大禹刑措美成王撫衆
惟恭儉臨朝罔怠荒傷心聞詔日率土淚淋浪九葉開鴻
業龍飛亦戊申武功成薄伐燕禮接群臣南面惟恭已深

山共感仁誰言弓劍遠史冊萬年新

將赴都別鄉友

草：溪筵別不堪分手情誤興官職想仍作暑天行世界
身難匿乾坤眼暫明野僧休笑我歸計有時成

陳明寺席上分得紅棗子

一秋欣飽啖曾記脆無查爛不隨霖滴乾因透日華肉堅
枚縮小膚皺理交加赤喜如忠膽甜愁觸病牙葢藏仍歲
用餽釘滿人家重嘆來時路高林正放花

使浙日承親友送至吳江

送：不覺遠因留江上眠天寒人共被夜靜水衝船候旦
窺雅發離家記月圓未知從此去何處過殘年

次韵陳大理

寓居聊爾御垣東一榻蕭然秋色中到任幾時先卧病深
慚俸粟印文紅

慶壽寺作

自入都城已四遷梵寮今擬度寒天密糊窓眼風何入獨
諷簷光日又偏任有簿書心不仕歸無衣食俸難捐看來
正是沉吟處誰與商量但喟然

早春遊南山

游思經營兩日前過暄深畏雨遮天啟明下地親張具隔
宿拋緜豫買船霽景望來欣已動佳朋接到冗俱捐雙搖
疾櫓清波裂四柱明 碧漢填肩北入橋村已僻投南遵

渚路微徧成行梅柳將春妬吐氣禽蟲得暖翻淺浪刺篙
蓬濺水濕薪炊黍杞縈烟摩空寶塔超雲立涌地螺峯走
馬連茶磨高存土堆大石湖晴動鏡光圓先朝錫翰亭猶
護古相營居宅已遷竹轎候人謹守岸農黎觀客靜依阡
僧房臨港舟堪抵佛閣依崑石共肩豆實不離墻下笋杯
漿原取澗中泉梵書在手因拋讀道榻逢軀即借眠却顧
城圍須返棹欲辭賓客獨參禪林巒自幻閑心事身世從
來是業緣又逐濁風歸市郭各扶殘醉別溪筵還家秉燭
吟詩句境物捫胸尚歷然

陪郡守林公游山二首

綠瘦南山正杪秋嘉招欣奉旆旌游煙開湖水臨風觀樹

松雪堂集卷二
簇松陵見遠洲近瀟風光堪醉杜環滌林壑已名歐使君
仁政何從見老禪欣：擁道周

絡緯啜：鳴草間漸看冰鏡起東山寒旻下露沾衣濕野
燎然松委地丹蕙帳空今方自笑峴臺登後更誰攀穆生
未必堪優禮又踏仙舟醉醴還

送都憲戴公入朝

喬嶽巍：德望崇烏臺新陟漢三公聖皇思治求元老草
澤虛心仰素風表率共看師百辟倚毘深喜副重瞳趨庭
再拜非私慶直為朝廷賀樸忠

瓊上人還吳

京國幾時留匆：兩月周禪從逆境打衲到暑天收作禮

辭僧伴挑包上客舟將何償此役速揀好山遊。

悼周院判原已

簇：紙花羅几筵人生到此亦徒然身終渴病如司馬命
值孤星是樂天多少庸夫偏不死古來才子本難全吟喉
一閉詩增重昨日搜囊有數篇

游後出山作

百數青蓮蕊兼辰得縱看盤空度石壁就地飲雲端有口
贊不盡無緣到也難又歸城郭去塵土事漫：

賀九嶺作

兩山分一嶺左右望皆宜路作蛇形曲峯為粉本奇對風
吟口咽懼客朽亭危不悟晴嵐重翻將雨兆疑

殘雪

殘雪經時久常聞簷溜聲謂晴塔更濕疑雨日還明地背融偏後宵寒凍復成不妨留莫泮借爾照書楹

谿上納涼

秋暑餘威苦難避甦人賴有晚涼生脫衣總向樹頭掛携酒獨來溪上傾冷水澆懷風忽到濃霜滿地月方明來朝幸不拘時起何怕坐交三四更

遊陽城湖上晚步

一宿江鄉俗事稀小春天熱換綿衣偶然來到水邊立驚起田間雅亂飛

新春雨雪中和友

四壁爐炎小室漫雪花兼雨晚紛：新春未立寒猶在舊臘雖留歲已分坐對瓶梅消白晝手持經卷詠清文當其候冷鞞雙凍草因披衣正半醺

野行

晚來寒凜冽原上更風多殘雪消猶剩瘦自行始和每到賞心處低頭還自哦

送同年馮使君

在京口作

江上迢迢野艇牽山林未敢綴同年坐看砥柱中流裡來詠飛花北固前魚泝晚湖勞費廩詩催暑雨漫成篇平生知己應難得從此相望各遠天

苦雨和仲翼

暑雨連綿雁蕩村遙山迷漫盡籠雲僧來白足開筵講衣
濕黃梅炷木薰滴點松稍增葉重崩騰田口放泉分清齋
不但簞瓢客聞說邦侯亦戒葷

荻谿訪王隱君因和荅

叢：野樹暗湖村晚到幽莊滿榻雲積月雨聲長斷續低
鄉水氣日蒸薰人將世隔今垂老柳與田連已不分信宿
隱居勞茗設自何胤早除葷

贈王戶曹軼

元后初臨御周爰遣使臣皇華江驛遠天寵詔綸新大禮
須供億仙郎正策山川甘跋涉通久發稽湮萬里持麾
去孤舟與僕親登瀛唐顯客難蜀漢文人鄙郡嗟重蒞高

筵感歎陳秋堂正叢菊祖席又城闈鴈起寒沙捲風迴落
葉頻歸途還到此瞻望獨馳神

送呂府丞之任南都

諫垣忠亮久京兆喜新遷聖主紓隆寄疲民望有年黑頭
階已重赤旬理宜先臨別彈琴贈當知緩急弦

送吳給事使廣東

煌：持使節銜命向炎方天語臨軒授王程過嶺長兩班
推宿望百粵仰清光為想還朝日敷陳別有章

利濟寺燕後出見白牡丹

一日清歡坐後寮誰知此有玉顏嬌春風觸目生留戀纔
倚朱闌酒便消

贈吳江金明甫五十韻

昭代開文運羣才總是掄
搜捕收巨木瑚璉錄奇珍
所重尤黃甲多聞得俊人
驥難千里遇璞自一朝
神明府生東越華門甲
古郵踏槐膺顯薦鼓瑟位
嘉賓素壁韓檠棄丹墀
董策陳縱橫敷禮樂慶會際
君臣金榜題名濕瓊林
賜酒醇修欄裁翠服軟角製
烏巾垂拱瞻天表傳宣聽
玉綸五橋龍飲旭雙扇雉開
晨苑樹芳含萼清波暖動
鱗常奉朱闈近歷試粉曹
新聖主思圖治臨朝議牧
民班行非不切荒遠更加
勤由此連科出多為宰邑
巡黎元無苦嘆進士獨良
楮有縣居京甸依江住水
濱銅符戾乃握竹馬境同
欣繁簡誠宜別賢愚自合
甄內批俄得旨右徒實蓬
辰

維是松陵地誠居吳會津
千圩開畝萬井聚城闔賦
重徵難集風澆俗尚囂自
來容暴橫誰肯念孤貧吾
郡茲偏病前官素苦瘠亂
絲非易理惡馬未堪馴濟
巨馮良揖刺堅屬利鑽一
聞臺奏下共迓使車麟積
弊初如蝟頑氓亦類膏掃
除無一點安集在餘旬似
把頽垣築猶將碎褐紉調
弦知緩急飪味適甘辛訟
減莎生獄庭間烏立楯差
科無向背徭役最平均案
牘勞兼夜衣冠起待昕墨
鍾鈎詐偽破柱去殘
惟務農夫樂寧憂勢要嗔
六房成潔士百姓得慈親
衝要多賓客逢迎足縉紳
挽船下最苦褫服事難論
到岸咸裁數聞風類解綸
如斯施實惠豈但鼓空脣
况值愁霖續偏遭歉歲頻
兩涯曾莫辨三板欲平湮
貿息

聊求米抽掾用作薪私家俱過糶公廩亦空困善策煩多
設逃民即稍羨桑樞拋更葺蛙竈冷重斫陰隲通蒼昊宣
勞答紫宸旌能方削奏獻績又膏輪驛柳條初發溪桃葉
正蒸計程趨闕下拂袖別湖漣為譜離筵曲遙看去騎塵
勉旃圖報稱企古紹姬莘

悼賀解元

病中誰得見僮僕待呻吟臨死思家淚終身下第心友邊
魂暫托人裡面尋難惟有殘書在仍歸舊路陰

倪公拜吏部尚書詩以申賀

台司位重百寮推聖主虛懷獨見知正氣自來闕世道龍
光今日被朝儀詔傳中外咸胥慶功踵臯夔定不疑指日

御前應賜坐笑談帷幄靖邊陲

沈石田寓結草僧院次韵

門前即人世活板作飛梁古殿崇三寶寒流遶四央松枯
老成怪蜂出晚知房更擬分禪榻來聽夜雨浪

常熟邑中赴計明府道院宴集

七檜壇前雲水堂使君招飲興何長虞山最好是此處名
教清談得幾場鼓瑟時驚鳥下開扉隱見湖光夜深
松竹皆含露重舉金杯吸晚涼

題上方望湖亭壁

湖山開妙境當暑更多風萬頃涵亭下幾帆馳鏡中讓年
杉過我極目鳥橫空獨酌無人伴酒顏聊自紅

杉過我極目鳥橫空獨酌無人伴酒顏聊自紅

赴南峯舟中作

四月園林梅子肥遙：蘭漿弄清暉抱愁自適尋山興避俗聊穿高士衣野水鏡空雲倒入晴嵐翠重鳥迷歸崑房去地將千仞到此應知不用機

虎丘萬松堂避暑

雲巖不一勝窮歷到幽房塢入深林暗風來高閣涼鳴蟬消永晝懸澗落寒螢擾：塵塗者空知隱策長

初春山居還城却寄支硎僧院

好山不著詩人句辜負浮嵐翠滿空梅子蛻花春事半雨聲追冷昨宵中來尋茗碗梯幽閣却上籃輿別遠公白髮

漸添身老大何緣佳興逐東風

湖上

湖上魚吹細沫行湖邊花草足風情田分日影陰晴別水合天光上下清頗怪病身逢酒健久留眼待山明農家識是游人過競擁籬頭送榜鳴

冢宰毘陵王公與郡士太平寺打魚燕集作詩因和給園澄霽屆芳辰樹影離：水鏡真在沼文魴因豢得從公賢士以游親橙絲味帶三秋雨網沫珠懸萬顆銀却顧人間還獨笑魚羹何處便長貧

自胥口泛太湖至東洞庭

西望茫：接幾州群山無數障中流飛帆半日才能到賭

命今番始得遊城裡見天無許大
中覓飯有何愁橘商
渡慣心猶怯怪殺衝波一小舟

清明後一日獨遊西山

靜揩雙眼洗心腸領納山光與水光
到面春風未全暖離
城野路一何長青黃不接麥苗短
紅白間開花蓋香隨處
有茶堪接納禪林三四遠相望

遊虎丘和姚侍御

闔閭城外虎丘山半日工夫往可還
粉牖啟船橫水次布
袍便體混人間石池對闢泉長定
寶樹爭開蓋欲殷邂逅
禪僧見趺坐世涂逾覺倦躋攀

尹山寺夜詠

離城至此二十里翻作遲
半日行古寺夜投僧盡出空
廊獨步月方明學披梵筴言生澁
借浴芳泉體潔清童僕
不語禪默相翻憐無侶話羈情

和余錦衣遊湖作

團：柳絮起因風緯竹雙垂簾子紅
弄水珍珠生掌上
看山圖畫落胸中禽魚已滅驚猜念
花草仍資品第功
綏棹不教搖鏡破湖西游衍到湖東

晚入穹窿山

曲：修途入塢深已嗟天晚暗生陰
誰知輿上忽回首
衆谷日光閃金

將遊西山道中作

竹轎晨登數里迂，群山膏沐迓吾徒。
樹枝拂帽忽低首，水影照人堪數鬚。
牛犢維門角如栗，梅花塞路雪成珠。
白龍廟中一觀憇，祀罷野人方會鋪。

支硎山中題僧院

初春妙風日，命侶共來游。
泉噴雪花冷，鳥含蠻語柔。
怪峯藏僻院，平野入高樓。
總為尋山主，何妨此獨留。

除夜雜咏

歲除當此夜，洒掃事忽忙。
井上皆封草，門當盡畫弓。
祠堂神影掛，客座佛筵崇。
撒豆禱兇疾，存炊忌釜空。
辟瘟燒术，煖承俗燎柴。
紅啓篋，新衣振除塵。
舊室攻買錫，迎竈帝酌水。
祀床公春帖，題鄉究年書。
誦學童插簷，皆栢葉戲火有。

黎筒殘曆收年盡，深缸洗臘終。
市闐驕物貴，鄰里饋羹通。
未識他州節，於斯異與同。

永定精舍

古刹吳城裡，相傳始自唐。
殿高鷹摩頂，門啟檜成行。
布地將千載，分燈有數房。
涵空雲沼淨，當閣野梅長。
塵動魚餘法，經完室蘊香。
暫遊非久住，靈境獨徜徉。

野堂植秋卉數種艷麗可觀

滿庭丹紫爛雲粧，點村居三二分。
秋色自然多富貴，遊人不請故紛紜。
化工手到皆成畫，時雨思公獨秉鈞。
終日坐來看不厭，東風擅美定虛云。

重題虎立生公講亭

池光如鏡影山臺怪石喬林美矣哉昨日曾遊今又到恐
遺佳境重徘徊

南都儲考功淨拭軒寄題

即官別有野人意軒子新從池上開天貸荷錢買風景時
低面孔洗塵埃功名不泥仕亦可漁菜能供客易來爭似
馬曹偏廢政長將水鏡鑒人才

送王進士源潔旋都

煌煌使節非孤旅滿塢梅揚首夏天畫錦一游山水重不
離塵世有神仙

解纜愁看即遠行田溝處水流聲人生一別非容易極
目雲帆徒愴情

除夕偶成

筋畫爐灰白微吟首自垂不辭終夜坐要了一年詩春臘
方中判寒暄已背馳來年在何處離合又難知

贈錢山人

築墓先旁正有疑公來指點恨何遲隴穿橫脉書難盡水
取回流法最奇障面案山今不得標雲文筆雅相宜吳中
岩谷雖層疊未卜尋求席更移

鄭尚書挽詩

顯融當代列公卿一旦遊仙隔杳冥閔輔賑荒遺德在留
都勤政滯冤清江頭自結歸廬小身後還沾贈秩榮諫草
幾多珍篋竒賢即卓嗣家聲

送李通府致仕歸沔陽

地控全吳佐理優芳聲數載播民謳甘棠花燦車曾貳彭
澤風清紱早投出處飄然完晚節山林樂矣慕前修蹇余
悵別西閭外空望雲帆去莫留

送金陵陸仁甫赴合州判官

錦袍辭帝闕南邁爲寧親故里江楓老長亭別釀春佐州
遙領職觀國盛逢辰正恐需材彥難容竟隱淪

虎立聞泛與伯虎同賦

名岩佳麗冠吳州永日逍遙榜綵舟菡萏含嬌星水面鳶
羅垂蔭覆人頭寂谷玄蟬藏影嗜長阿蒼狄領群遊翠幌
金尊何限樂欣逢絕咏媿難酬

題畫

野禽飲啄自得意傲倪秋空萬里天不羨隴西鸚鵡貴長
羈金索畫堂前

題赤壁圖

東坡先生信豪逸政事文章兩無敵立朝謹論忤權臣一
官忽向黃州謫黃州僻處西南境地接瀟湘路幽迥平生
報國盡忠良榮辱寧知在俄頃時當七月秋氣涼扁舟載
客同徜徉黃泥之坂連赤壁赤壁磯頭浮月光影落遙空
浮沉壁玻璃萬頃涵秋碧清風徐來波不興身世飄然凌
八極扣舷擊棹酣且歌人生不樂將如何洞簫吹月斷復
續淒切鳴聲和先生整襟方嘆息俯仰乾坤感疇昔

鼎分鏖戰總英雄回首江山已陳迹寓形天地真蜉蝣放
懷江漢從遨遊夜深舉盞更酬酢何用屑：悲窮愁心事
悠：見高致風月無邊愜深意興來詞賦追楚騷吐出胸
中浩然氣從此聲名播寰宇笑彼奸回不須教丹青未必
無小補貌得丰標留萬古

松籌堂集卷之二終

